



Sindikati javnih službi ujedinjeni protiv korupcije

Izjava EPSU (Europske unije sindikata zaposlenika u javnom sektoru) povodom obilježavanja Međunarodnog dana protiv korupcije, 9. decembra 2011.

22. i 23. novembra 2011. godine podružnice EPSU sa područja zapadnog balkana (Bosna i Hercegovina, Hrvatska, Makedonija, Crna Gora, Srbija i Slovenija) i Norveške sastale su se u Beogradu, Srbija, da bi razgovarale o korupciji u javnim službama, ponajprije u sektorima javne administracije, sudstva i zdravstva.

Ovo je bio prvi sastanak podružnica EPSU sa ovom temom uz podršku fondacije Friedrich Ebert Stiftung – Kancelarije regionalnog projekta za radne odnose i socijalni dijalog u jugoistočnoj Evropi. Među učesnicima su bili stručnjaci iz organizacije Transparency International (Srbija i Hrvatska), Odbora Antikorupcijske agencije u Srbiji, Fakulteta bezbednosnih studija u Makedoniji i bivši ministar finansija iz Bosne i Hercegovine/Republike Srpske.

Kao takav, sastanak je konkretan doprinos Međunarodnom danu UN protiv korupcije, 9. decembru.

Sindikati su uvjereni da je korupcija prijetnja demokraciji i stabilnosti, da zaustavlja ekonomski rast, erodira dostupnost i kvalitetu javnih usluga i povjerenje u dužnosnike i, na kraju, zaposlenike u javnom sektoru.

Korupcija ima različite oblike i djeluje na različitim razinama društva kako u javnom tako i u privatnom sektoru a u određenom broju zemalja kao da postaje sve gora.

Sindikati zaposlenika u javnom sektoru sami ne mogu iskorijeniti korupciju ali ima mnogo načina na koje mogu doprinijeti njenom sprečavanju i smanjivanju na temelju politike EPSU za

- transparentnu administraciju sa dobrim resursima i poštene postupke zapošljavanja u javnom sektoru,
- održivu javnu nabavku,
- bolje radne uvjete i plate na temelju sindikalnih prava uključujući pravo na informacije, konsultacije i pregovore.

Sindikati također imaju ulogu u obznanjivanju zloupotrebe moći u kojem je potrebna zakonska zaštita za one koji skreću pažnju na nju.

Borba protiv korupcije se također oslanja na veće učešće građana u javnim budžetima i ključnim odlukama o javnom službama i javnoj politici. Poštovanje zakona i provođenje sankcija zajedno sa snažnim pravilima za izbjegavanje sukoba interesa između javnog i komercijalnog sektora i u finansiranju političkih partija također su od suštinskog značaja.

Sindikati javnih službi ujedinjeni protiv korupcije
Izjava EPSU povodom obilježavanja Međunarodnog dana protiv korupcije, 9.
decembra 2011. god.

Privatizacija javnih dobara i usluga i labava pravila o javnoj nabavci su glavni povodi za brigu jer su bili i nastavljaju biti predmet brojnih slučajeva korupcije.

Istaknuto je da borba protiv korupcije znači odbranu dobrog načina korištenja novca poreskih obveznika koji bi trebao služiti općem a ne ličnom interesu nekolicine. U tom smislu, održive javne službe trebaju više no ikada progresivne i poštene režime oporezivanja a borba protiv poreskih prevara je ključna za borbu protiv korupcije.

Sastanak će pomoći ulasku u opću politiku EPSU protiv korupcije i poreskih prijevara kao dijela kampanje protiv mjera štednje u Europi.

EPSU će tražiti od Europske komisije da osigura da predstojeći dvogodišnji izvještaji o korupciji u 27 europskih zemalja uz kriterije za procjenu uzmu u obzir i poglede radnika. Osobito postoji velika zabrinutost da će rezovi u javnim službama dodatno otežati uspostavljanje pravih mjera sigurnosti i odgovarajućih provjera i balansa za borbu protiv korupcije u Europi.

U prilogu je data lista učesnika sastanka.

Izvještaj o sastanku će biti uskoro dostupan.